

Trosolwg

Mae'r safon hon yn cynnwys y gwaith paratoi sydd ei angen i gynnal gweithdrefnau deintyddol teulu'r ceffyl ac yn cynnwys yr amgylchedd gwaith, offer a chael gwybodaeth am y ceffyl a'i hanes.

Mae'r gwaith paratoi yn caniatáu rhoi blaenoriaeth i les anifeiliaid, bioddiogelwch ac iechyd a diogelwch a'i gyfathrebu i bobl eraill yng nghyd-destun iechyd cyffredinol y ceffyl, clefydau cyfochrog a'r amgylchedd.

Mae'r safon hon ar gyfer technegwyr deintyddol teulu'r ceffyl. Bydd angen i ddefnyddwyr y safon sicrhau bod ymarfer yn adlewyrchu gwybodaeth a pholisïau diweddar, a'u bod yn gweithio o fewn cyfyngiadau eu hawdurdod, arbenigedd, hyfforddiant, cymhwysedd a'u profiad.

Meini prawf perfformiad

Rhaid i chi allu:

P1 gweithio yn unol â'r Ddeddf Llawfeddygon Milfeddygol (1966) a chyfyngiadau eich awdurdod, arbenigedd, hyfforddiant, cymhwysedd a'ch profiad eich hun

P2 sefydlu'r angen am wasanaethau gyda pherchennog/asiant y ceffyl

P3 sefydlu cyswllt gyda pherchennog/asiant y ceffyl a/neu'r llawfeddyg milfeddygol wrth gyrraedd

P4 egluro a chadarnhau'r gwaith fydd yn cael ei wneud, amcangyfrif y gost a'r dull o dalu

P5 adnabod a mynd i'r afael â'r peryglon iechyd a diogelwch mewn perthynas â'r ardal waith a'r gwaith sy'n cael ei wneud ar eich cyfer chi eich hun, pobl eraill a'r ceffyl

P6 cyfathrebu'r peryglon a'r camau i'w lleihau ar gyfer pobl eraill yn yr ardal waith

P7 lleoli'r ceffyl i gael ei drin a sefydlu lle addas i wneud y gwaith

P8 adnabod a dehongli arwyddion o ymddygiad y ceffyl mewn perthynas ag archwilio dannedd ceffylau

P9 adnabod cyflyrau, gweithdrefnau/triniaeth ac ymddygiad sy'n dangos bod angen tawelyddu cemegol

P10 cyfathrebu'n broffesiynol gyda llawfeddyg milfeddygol i drefnu tawelyddu ar adeg a lleoliad sy'n gyfleus i'r ddwy ochr os oes angen

P11 dewis offer a chyfarpar priodol a sicrhau eu bod yn cael eu paratoi'n gywir

P12 sefydlu mesurau i sicrhau hylendid a bioddiogelwch a sicrhau eu bod yn cael eu cynnal drwy'r amser

P13 defnyddio'r cyfarpar diogelwch personol priodol

P14 paratoi'r hylif diheintio priodol

P15 cysylltu offer trydanol yn ddiogel a sicrhau eu bod yn cael eu cadw i ffwrdd o ddŵr

a'r ceffyl

P16 sicrhau bod yr holl offer yn cael eu lleoli o fewn cyrraedd hawdd ond lle na fyddant yn cael eu niweidio

P17 canfod hanes y ceffyl a'i les yn cynnwys:

P17.1 ei oed a'i gyflwr

P17.2 unrhyw broblemau yn bwyta neu pan gaiff ei farchogaeth

P17.3 pryd cafodd dannedd y ceffyl eu gwirio ddiwethaf a chan bwy

P17.4 adolygu'r siartiau deintyddol blaenorol os oedd rhai

P17.5 hanes trin a/neu dawelyddu ar gyfer triniaeth ddeintyddol yn y gorffennol

P17.6 dyheadau'r perchennog/asiant ar gyfer y ceffyl

P17.7 pwy yw'r llawfeddyg milfeddygol presennol a hanes milfeddygol perthnasol

P17.8 statws brechu presennol

P17.9 amgylchedd a hwsmonaeth y ceffyl

P18 cydymffurfio â deddfwriaeth a chodau ymarfer iechyd a diogelwch anifeiliaid perthnasol bob amser

P19 cynnal eich safonau proffesiynol a'ch moesegau eich hun

Gwybodaeth a dealltwriaeth

Mae angen i chi wybod a deall:

G1 gofynion y Ddeddf Llawfeddygon Milfeddygol (1966) mewn perthynas â'ch rôl a chategoriâu gweithdrefnau deintyddol teulu'r ceffyl, yn cynnwys:

G1.1 Categori 1

G1.2 Categori 2

G1.3 Categori 3

G2 pwysigrwydd cynnal lefelau hylendid a bioddiogelwch priodol a sut y gellir cyflawni hyn

G3 eich cyfrifoldebau yn unol â deddfwriaeth a chodau ymarfer amgylcheddol ac iechyd a diogelwch perthnasol

G4 pwysigrwydd a'r defnydd cywir o gyfarpar diogelwch personol

G5 yr amrywiaeth o offer sydd ar gael i gynnal gweithdrefnau deintyddol teulu'r ceffyl a sut i ddewis yr offer mwyaf priodol ar gyfer y dasg

G6 arferion gwaith diogel ar gyfer defnyddio offer trydanol yn cynnwys:

G6.1 paratoi

G6.2 cysylltu â ffynhonnell bŵer

G6.3 safle

G7 sut i ddefnyddio a chynnal yr offer sy'n ofynnol i gynnal gweithdrefnau deintyddol teulu'r ceffyl

G8 pwysigrwydd cael cydsyniad gwybodus perchennog/asiant y ceffyl cyn ymdrin a thrin

G9 y ffioedd ar gyfer y gwasanaethau a sut y caiff y rhain eu cyfrifo yn cynnwys costau a threthi a'r rhesymau dros bob math o ffi

G10 sut i asesu'r peryglon cyn cynnal gweithdrefnau deintyddol teulu'r ceffyl

G11 sut i leihau'r peryglon i chi eich hun, y ceffyl a phobl eraill

G12 cyfreithiau sy'n llywodraethu'r defnydd o feddyginiaethau anifeiliaid

G13 ymddygiad anifeiliaid (teulu'r ceffyl) yn cynnwys arwyddion osgoi, poen, diffyg maeth, poen geneuol, clefydau geneuol lle bo'n berthnasol

G14 sut i ddewis a pharatoi amgylchedd gwaith addas a chynnal gweithdrefnau deintyddol teulu'r ceffyl

G15 sut i ddewis a pharatoi diheintydd addas

G16 sut i gael hanes gan berchennog/asiant y ceffyl a pherthnasedd:

G16.1 ei oed a'i gyflwr

G16.2 unrhyw broblemau yn bwyta neu'n cael ei farchogaeth

G16.3 pryd y cafodd dannedd y ceffyl eu gwirio ddiwethaf a chan bwy

G16.4 adolygu siartiau deintyddol blaenorol os oedd rhai

G16.5 hanes trin a/neu dawelyddu ar gyfer triniaeth ddeintyddol yn y gorffennol

G16.6 dyheadau'r perchennog/asiant ar gyfer y ceffyl

G16.7 pwy yw'r llawfeddyg milfeddygol presennol a hanes milfeddygol perthnasol

G16.8 statws brechu presennol

G16.9 amgylchedd a hwsmonaeth y ceffyl

G17 yr arwyddion a'r symptomau sy'n creu amheuaeth o glefyd heintus ar iard

G18 eich cyfrifoldebau o ran dyletswydd gofal anifeiliaid yn unol â deddfwriaeth a chodau ymarfer presennol iechyd a lles anifeiliaid

G19 eich atebolrwydd cyfreithiol a phroffesiynol wrth weithio fel technegydd deintyddol teulu'r ceffyl a phwysigrwydd diogelwch yswiriant priodol

Geirfa

Ceffyl

At ddiben y safon hon mae'r term ceffyl yn cynnwys asyn, mul, bastard mul, merlyn a cheffylau eraill.

Deddfwriaeth Lles anifeiliaid

Cymru a Lloegr – Deddf Lles Anifeiliaid 2006

Yr Alban – Deddf Iechyd a Lles Anifeiliaid 2006

Gogledd Iwerddon – Deddf Lles Anifeiliaid (Gogledd Iwerddon) 2011

Gweithdrefnau Deintyddol Categori 1, 2 a 3 Teulu'r Ceffyl

Gweithdrefnau Categori 1

Y gweithdrefnau hynny y gall unigolyn eu perfformio ar ôl cael hyfforddiant cydnabyddedig heb gymhwyster au penodol.

Archwilio dannedd;

Tynnu pwyntiau enamel miniog gan ddefnyddio rhathellau llaw yn unig;

Tynnu gordyfiannau deintyddol bach (gostyngiad o 4mm ar y mwyaf) gan ddefnyddio rhathellau llaw yn unig;

Proffilio gylfinog dannedd y boch cyntaf (gostyngiad o 4mm ar y mwyaf), a ddiffiniwyd yn flaenorol fel 'ffurfio sedd y ffrwyn';

Tynnu capiau cyntaf sy'n rhydd; a

Thynnu calcwlws gorddeintgigol.

Gweithdrefnau Categori 2 (Disodli categori 2 ar ddrafft 2004)

Gweithdrefnau ychwanegol sy'n addas i'w dirprwyo i EDT sydd wedi hyfforddi a gwneud arholiad wedi ei gymeradwyo gan DEFRA:

Archwilio, gwerthuso a chofnodi annormaleddau deintyddol;

Tynnu dannedd rhydd neu ddarnau o ddannedd gyda chysylltiadau periodontol dibwys;

Dynnu dannedd blaidd heb eu disodli sydd yn y golwg yn yr ên uchaf ac isaf o dan oruchwyliaeth filfeddygol uniongyrchol a pharhaus;

Crafu lliniarol dannedd sydd wedi torri a rhai gerllaw; a'r

Defnydd o offer deintyddol peirianyddol pan fydd y rhain yn cael eu defnyddio i leihau gordyfiant a thynnu pwyntiau enamel miniog yn unig. Dylid tawelyddu ceffylau oni bai ei bod yn cael ei ystyried yn ddiogel i gynnal unrhyw weithdrefn arfaethedig heb

dawelyddu, gyda chydysniad gwybodus llawn y perchennog.

Gweithdrefnau Categori 3

Bydd pob gweithdrefn arall ac unrhyw weithdrefnau newydd, sy'n deillio o ganlyniad i ddatblygiad gwyddonol a thechnegol, yn dod o dan gategori 3, sef y gweithdrefnau hynny sydd wedi eu cyfyngu i lawfeddygon milfeddygol cymwys sydd heb gael eu cynnig ar gyfer eu dadreoleiddio. NID yw felly'n gyfreithlon i bobl nad ydynt yn filfeddygon gyflawni'r rhain.

Datblygwyd gan	Lantra
Dyddiad cymeradwyo	01 Chwef 2013
Dyddiad Adolygu Dangosol	01 Chwef 2018
Dilysrwydd	Ar hyn o bryd
Statws	Gwreiddiol
Sefydliad cychwynnol	Lantra
RCU gwreiddiol	LANEDC3
Galwedigaethau perthnasol	Milfeddyg para-broffesiynol
Cyfes/Set	Gweithgareddau Milfeddygol Para-broffesiynol
Geiriau Allweddol	paratoi; offer; ceffyl; gweithdrefnau deintyddol teulu'r ceffyl
